



partii naleraq

2.april 2019

UPA2019/42

Aalajangiiffigisassatut siunnersuummut uunga ilanngussaq 1 naapertorlugu piaarnerpaamik, kingusinnerpaamillu ulloq 1. oktober 2019-mi atuutilersussamik, Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutaannut nr. 1, 25. januaari 2019-imeersuut allannguissamik Naalakkersuisut peqquneqarnissaat pillugu Inatsisartunut aalajangiiffigisassatut siunnersuut.

(Inatsisartunut ilaasortaq Aqqaluaq B. Egede, Inuit Ataqtigiit

Inatsisartunut ilaasortaq Aqqaluaq B. Egede Inuit Ataqtigiit siunnersuuteqarpoq aalajangiiffigisassatut siunnersuumik, tassalu Meeqqanut ulloq unnuarlu paaqqinnittarfinnik pilersitsineq pillugu allannguissamik siunnersuuteqarlunitamannalu Partii Naleqqamiit oqaaseqarfigissavarput.

Partii Naleqqamiit oqaatigerusupparput Ulloq unnuarlu paaqqinnitarfiit tassaammata ingerlatsisut namminnerlutik ilungersuuteqarnermikkut pilersitaat soorunami pisortat peqatigalugit aqqissuussinermikkut namminerlu inuttut assut pilliuteqarlutik aallartinnikuupput tamannalu Namminersorlutik oqartussanik akuerineqarlunilu paasineqartariaqarpoq.

Siullermik meeqqat tamarmik paarilluarneqarnissaat inuiaqatigiit tamatta pingaartikkippat oqaatigerusupparput, pingaartumik meeqqat inuusuttullu toqqissillutik peroriartornissaat eqqarsaatigalugu.

Aammalu ulloq unnuarlu paaqqinnittarfinnik ingerlatsisut sulisullu assut nersualaarussuppagut, taakkuummatami paarsaminnik tamakkiisumik paasinnaallutillu toqqaannartumik oqaatsigut atorlugit kiffaartuussisut tamannalu sullinneqartunut assut iluaqutaalluartartoq tamatta ilisimavarput.

Taamaattumik ilaatigut ilungersunartorujussuarmik ingerlatsiniarnerannut akuliunniarnerit Namminersorlutik oqartussat nalunaarutaat atorlugit asut akuersaaruminaatsippagut.

Aappi soorunami tunngavissalimmik ingerlatsisoqarnissaa apeqqusinngivipparput, unali ilungersunartutut tikkuarusupparput pineqartut tamakkiisumik suleqatiginagit nalunaarummik sanasoqarsimanera.

Allaat imannak misinnarluni aporfissat imak annertutigissasut namminneq malitsissinnaanngisaminik tunngavissarullutik uniinnarnissat. Soorunami tamanna illersorneqarsinnaanngilaq.

Tassami meerarpassuit pineqarput, aammalu soorunami sulisorpassuit misilittagaqarluartut annaaneqassapput. matusinerillu nalunaarut tunngavigalugu pissappata taava meeqqat paarsarineqartut sumut pisinneqassagamik. Aamma kikkunnik sullinneqassagamik.

Allamik periarfissaqarnavianngilaraasit sulisut tikisitat atorlugit kiffartuussiniarnerit ingerlalissapput, tamassumalu kingunerissavaa meeqqat toqqaannartumik oqaasii atorlugit oqaluunneqarsinnaajunnaarneri taamalu pisoqassappat pineqartunut assut ilungersunartumik sunniuteqartussaavoq.

Meeqqanut ulloq unnuarlu paaqqinnittarfinnik pilersitsisarneq nunatsinni isumalluutitta ilagaat isumannaatsunik pqarnissarput. Pingaartumik meeqqat ulloq unnuarlu toqqissillutik pitsaasumik paarineqarlutillu nakkutigineqarnissaat pingaarluinnartut isigaarput.

Tamatta ilisimaqqissaarparput pisortat kisimik maani ulloq unnuarlu paaqqinnittarfinnik ingerlatsisinnaanngitsut, tassami inissat pisariaqartinneqartut ajoraluartumik amigarlutik annertuallaarujussuarput.

Tamannalu aamma inuiaqatigiinni erloqinartutut isigisariaqarparput, imaattariaqaraluarmammi ulloq unnuarlu paaqqinnittarfinnik meeqqanut ikinnerpaamik inissanik pisariaqartitsinissarput.

Taamaattumik ullumikkut atukkagut avataangiisigullu eqqarsaatigalugit pisariaqartippagut aamma ulloq unnuarlu paaqqinnittarfinnik namminersortunik ingerlatsisut, tassalu ulloq unnuarlu paaqqinnittarfinnik ingerlatsisut.

Ajuusaarnartumik meeqqat amerlasuut angajoqqaaminnik sumiginnarneqarnerat pissutigalugu angerlarsimaffiup avataanut inissinneqartarput tamannalu ajuusaarnarluinnarpoq.

Naalackersuisut nalunaarut atortiligaat nutaamik saqqummertoq assut ilungersunartutut isigaarput, ilaatigut namminersortut ingerlatsisinnaanerannut akuliunniarnerit taaneqarsinnaammat. Tassami piumasaaqatigineqarmat pisortanik ingerlanneqartut assigalugit akit aalajangersarneqassasut.

Ulloq unnuarlu paaqqinnittarfiit suliffeqarfiit namminersortutut nammineq ingerlatsipput, aammalu namminneq sulisuminnut isumaqatigiissuteqartussaallutik qanoq sulinerminni atugaqassanersut akissarsiaqassanersullu.

Taamaattumik ilaatigut ernumanarpoq naalackersuisut taamak pissusilersornerat. Namminneq aalajangersassallugu namminersortut kikkut qanorlu aningaasarsiaqassanersut nalunaarusiornermikkut tamannalu akuliunneruvoq namminersortut namminneq suliffiutaannut.

Aammalu meeqqat tamarmik immikkut ineqarnissaanik kissaateqarneq tupinnarpoq tamaak nalunaarummut ikkusisoqarmat, tassami paaqqinnittarfiusut massakkut tamarmik ineqaralersornissaat piararfissaqanngilaq. T

Taamaaliortoqassappat taava illorsuarnik nutaanik sanaartornissaq saneqqunneqarsinnaanngilaq tamannalu naammassineqanngippat taava nalunaarut unioqqutinneqartussaavoq matusinermillu kinguneqassalluni.

Uanilu aamma oqaatigineqarpoq periarfissanik uniuuttoqarsimappat naammagittaalliorfissaqanngitsoq. Assersuutigalugu uani meeqqat ineqatigiippata nalunaarutip tunngavilersutaa malillugu taava matuneqarsinnaavoq. Tamannalu ingerlatsisunik naammagittaaliutigineqarsinnaanngilaq sumulluunniit.

Meeqqanik inissiisarnermut tunngasut imannak pisariaqartinneqartigisut oqaloqatigiissutigineqaratilluunnit taamak nalunaarusiorsimaneq akuerineqarsinnaanngilaq. Taamatut suleqatigiittoqarsinnaanngilaq aaqqinneqartariaqarput pissutsit tamakku ilungersornartorsiortitsisinnaasut.

Aalajangersakkat timitalimmik malinneqassappata taava torersumik suleqatigiinneq aqutissiunniarsiuk matuneqarnissaat nukillaarnissaallu pillugit nalunaarusiortoqarsinnaanngilaq aammami aalajngersakkat eqqunngippata naammagittaaliutigineqarsinnaasariaqarput asuli mattussiniarnerit piunnaarlugit.

Taamak oqaaseqarluta ataatsimiititaliami suliarineqarnissaa innersuutigaarput.

Hans Enoksen